



Broj: 02-04-868/26  
Lukavac, 24.03.2026.godine

Na osnovu člana 39. Statuta Grada Lukavac („Službeni glasnik Grada Lukavca“ broj: 14/25), Budžeta Grada Lukavac za 2026. godinu („Službeni glasnik Grada Lukavac“, broj: 15/25), Odluke o izvršenju budžeta Grada Lukavac za 2026. godinu („Službeni glasnik Grada Lukavac“, broj: 15/25), Programa utroška sredstava Transfera Službe za društvene djelatnosti i upravu Grada Lukavac za 2026. godinu („Službeni glasnik Grada Lukavac“ broj: 1/26), Smjernica o minimalnim standardima dodjele budžetskih sredstava putem transfera i subvencija u Federaciji BiH („Službene novine FBiH“, broj: 37/24) i Sporazuma potpisanog između Općinskog vijeća, Općinskog načelnika i nevladinih/neprofitabilnih organizacija općine Lukavac broj: 02-02-617/2014 od 30.04.2014.godine, Gradonačelnik Grada Lukavac objavljuje

Javni poziv  
Organizacijama civilnog društva/nevladinim organizacijama  
Za predaju prijedloga projekata

Grad Lukavac poziva sve organizacije civilnog društva (OCD) / nevladine organizacije (NVO) iz Bosne i Hercegovine da dostave prijedloge projekata koji su u skladu sa razvojnim ciljevima Grada Lukavac.

I - UVJETI ZA SUDJELOVANJE NA JAVNOM POZIVU

Pravo sudjelovanja na Javnom pozivu ostvaruju zainteresirane nevladine/neprofitne organizacije koje su osnovane i registrirane u BiH, čiji je predstavnik državljanin BiH. Projekti se moraju realizovati na području grada Lukavac, odnosno moraju biti namijenjeni građanima grada Lukavac. Odnose se na područja: kulture, nauke, mladih, zaštite okoliša, socijalne zaštite, sporta i sporta za osobe sa invaliditetom. Dodjeljuju se na osnovu planirane stavke u Budžetu Grada Lukavac i Odluke o izvršenju Budžeta i moraju biti od značaja za grad Lukavac.

Napomena:

Sve nevladine organizacije imaju jednaka prava pristupa Javnom pozivu u Gradu Lukavac, što uključuje jednake mogućnosti i ravnopravan tretman u korišćenju sredstava za ove namjene.

Projekti koji se neće finansirati:

- Projekti udruženja koja nisu izvršila svoje obaveze po ranije odobrenim projektima finansiranim iz Budžeta Grada Lukavac,
- Projekti koji se isključivo odnose na jednokratne manifestacije, osim u slučajevima kada su dio trajnijeg i sveobuhvatnijeg projekta,
- Projekti koji se odnose na povremene konferencije, osim ako su neophodne za uspješnu implementaciju projekta,
- Projekti koji se odnose na finansiranje redovnih aktivnosti podnosioca projektnog prijedloga ili njihovih partnera,
- Projekti koji se baziraju na investicionim ulaganjima, adaptaciji ili izgradnji kapitalnih objekata, ili na kupovinu opreme osim ako je neophodna za uspješnu implementaciju projekta,
- Projekti kojima je predviđen dio administrativnih troškova (ljudski resursi, putovanja/prevoz, kancelarijski troškovi) veći od 20% od ukupnih troškova projekta,
- Projekti koji predstavljaju individualna sponzorstva/stipendije za školovanje ili za učestvovanje u radionicama, seminarima, konferencijama, kongresima, trening kursevima

Strana 1 od 6



ISO 9001:2015  
No. 308550 QM15

Grad Lukavac - Gradonačelnik, Trg slobode 1, 75300 Lukavac  
[www.lukavac.ba](http://www.lukavac.ba), e-mail: [kabinet-nacelnika@lukavac.ba](mailto:kabinet-nacelnika@lukavac.ba)  
Tel. +387 35 366 700, fax: +387 35 366 703



ISO 9001:2015  
No. 308550 QM15

- h) Projekti koji su usmjereni prema vjerskim ciljevima i aktivnostima,
  - i) Projekti koji su usmjereni prema političkim aktivnostima,
  - j) Projekti koji su namijenjeni za isključivu dobrobit pojedinca,
  - k) Projekti koji se zasnivaju na dodjeljivanju sredstava trećoj strani,
- Projektni prijedlozi sa nepotpunom, neurednom dokumentacijom i dostavljeni izvan predviđenog roka neće biti razmatrani.

## II - PODRUČJA NA KOJA SE ODNOSI JAVNI POZIV

### LOT 1 (KULTURA, NAUKA)

Kultura i nauka:

- Unapređenje i zaštita, očuvanje i promocija materijalnog i nematerijalnog kulturnohistorijskog i prirodnog naslijeđa zavičajnog prostora,
- Manifestacije koje potiču međugradsku kulturnu saradnju,
- Izdavaštvo (naučna i druga djela),
- Promociju knjiga i izložbe koje doprinose razvoju i obogaćivanju kulturnog života grada Lukavac organizovanjem kulturnih manifestacija u gradu Lukavac,
- Muzičku, likovnu, pozorišnu i plesnu djelatnost,
- Multimedijalnu djelatnost,
- Promociju mladih u kulturi,
- Poticanje kulturno-umjetničkog stvaralaštva,
- Izrada kulturno-umjetničkih djela koja za temu imaju Lukavac.
- Naučno- istraživački radovi, projekti i drugi projekti iz oblasti nauke.
- Promocija kulturnog življenja i usluga iz domena kulture
- Arheološka istraživanja na području grada Lukavac

### LOT 2 (EKOLOGIJA)

Očuvanje raznolikosti ekosistema na području grada Lukavac kroz:

- Omladinski volonterizam i građanske inicijative,
- Projekat očuvanja ribljeg fonda,
- Ispitivanje kvaliteta vode na jezeru Modrac i prirodnog priraštaja ribe.
- Zaštita okoliša - aktivnosti koje promoviraju odgovoran odnos prema prirodi,
- Unapređenje kvalitete življenja
- Zaštita i očuvanje zdravlja i životne sredine
- Jačanje ekološke svijesti
- Razvijanje dobre prakse lokalne zajednice
- Promocija zdravog načina života u skladu sa ekološkim principima i sl.

### LOT 3 (SOCIJALNA I ZDRAVSTVENA ZAŠTITA)

Socijalna i zdravstvena zaštita:

- Zaštita porodice,
- Zaštita i promocija ljudskih prava,
- Prava djeteta i prava manjina,
- Unapređenje kvalitete života osoba s invaliditetom, penzionera i djece s poteškoćama u razvoju,
- Edukacija mladih o porocima savremenog svijeta (droga, alkohol, pušenje i dr.),
- Jednakopravnost spolova (kroz komponente Gender akcionog plana BiH) i sl.
- Promocija preventivnog zdravstvenog djelovanja u očuvanju mentalnog zdravlja i suzbijanju rizičnog socijalnog ponašanja
- Prevencija vršnjačkog nasilja
- Prevencija nasilja u porodici
- Program podrške djeci i mladima oboljelim od malignih oboljenja
- Unapređenje modela rada sa mladima sa poremećajima u ponašanju
- Procjena dosadašnjih efekata inkluzije i kreiranje strategije prema osobama sa invaliditetom
- Izrada studije siromaštva i socijalne isključenosti mladih

#### LOT 4 (PODSTICAJ MLADIMA)

Projekti namijenjeni udruženjima mladih i neformalnim grupama mladih:

- Programi neformalnog obrazovanja
- Stručno osposobljavanje za samostalan rad mladih
- Program podrške mladima sa invaliditetom i poteškoćama u razvoju
- Programi za unapređenje standarda življenja mladih
- Prevencija i intervencija maloljetničkog prijestupništva
- Sportom protiv maloljetničke delinkvencije
- Reproktivno zdravlje mladih
- Prevencija i tretman gojaznosti mladih
- Psihološka podrška mladima
- Edukacija iz prve pomoći
- Promocija zdravih stilova života
- Pozorište mladih
- Škola plivanja za djecu i mlade
- Škola skijanja za djecu i mlade
- Sportske aktivnosti za mlade osobe sa invaliditetom
- Akademija građanskog aktivizma
- Projekti promocije volonterizma i građanskog aktivizma
- Programi volontiranja za mlade
- Jačanje svijesti o okolišu i podrška aktivnostima vezanim za očuvanje životne sredine
- Podrška programima unapređenja ljudskih prava, izgradnje mira i mirovnog aktivizma
- Istraživanja stavova, problema i potreba mladih na području grada Lukavac
- Promocija pozitivnih uzora za mlade

NAPOMENA: Aplikanti koji apliciraju za ovaj LOT, moraju biti upisani u općinski/gradski Registar omladinskih organizacija i neformalnih grupa mladih.

#### LOT 5 (SPORT)

- Razvoj nerazvijenih sportova
- Sport i tjelesne aktivnosti u predškolskom uzrastu
- Kompenzacija nedostatka tjelesnog odgoja u školama kroz vannastavne sportske aktivnosti
- Organizacija sportsko-rekreativnih sportskih aktivnosti za osobe treće životne dobi
- Organizacija sportsko-rekreativnih aktivnosti za osobe sa invaliditetom
- Organizacija edukacije stručnih lica iz oblasti sporta
- Primjena dijagnostike u školskom i rekreativnom sportu
- Izdavačka stručna i naučna djelatnost iz oblasti sporta
- Edukacije roditelja predškolske i školske djece o vrijednostima sporta
- Besplatne škole sporta,
- Organizacija sportskih manifestacija u okviru značajnih manifestacija,
- Održavanja revijalnih sportskih takmičenja,
- Organizacija tradicionalnih sportskih manifestacija,
- Rekreacija za sve – programi rekreacije za određene uzraste,
- Projekti za manifestacije koje imaju godišnji kontinuitet,
- Projekte u oblasti sportske edukacije, sportske dijagnostike, trenažnih procesa, organizacije sportskih manifestacija i sl.,
- Sufinansiranje organizacije sportskih takmičenja
- Mapiranje pješačkih, biciklističkih i planinarskih staza
- Škola plivanja za djecu i mlade
- Škola skijanja za djecu i mlade
- Projekti ženskih sportskih klubova

#### LOT 6 (SPORT ZA OSOBE SA INVALIDITETOM)

Sport za osobe sa invaliditetom:

- Organiziranje i provođenje sportskih manifestacija udruženja sa invaliditetom,
- Sportskih manifestacija za mlađi uzrast, mladih i odraslih za koje je iskazan interes grada Lukavac,
- Rekreacijski sport,

- Sportske programe i sadržaje koji doprinose unaprjeđenju kvalitete života osoba sa invaliditetom u oblasti sporta,
- Aktivnosti koje promoviraju amaterizam, volonterizam i timski rad u sportu,
- Uspostavljanja omladinskih pogona pri takmičarskim klubovima i sl.
- Sportske aktivnosti za mlade osobe sa invaliditetom

### III - VISINA SREDSTAVA KOJA SE DODJELJUJU PO PROJEKTU

Na transferu Javni poziv za projekte OCD-a, Javni poziv u oblasti sporta, Tekući transfer za oblast nauke i izdavačku djelatnost i Podsticaj mladima, u 2026. godini za sufinansiranje projekata planirano je ukupno **86.300,00 KM** (LOT 1, 2, 3, 4, 5, 6).

Ukupna vrijednost po jednom projektu je od 1.000,00 do 7.000,00 KM.

Grad Lukavac zadržava pravo da ne dodijeli sva raspoloživa finansijska sredstva u slučaju da projektni prijedlozi ne zadovoljavaju zadane kriterije.

Izabrani projekti se trebaju realizirati do 31. decembra 2026. godine.

### IV- PRAVO UČEŠĆA:

Učešće u ovom javnom pozivu je otvoreno, na jednakim osnovama, za sve formalno registrovane OCD i NVO (udruženje/udruga ili fondacija), a u skladu sa važećim propisima u Bosni i Hercegovini.

Aplikant po javnom pozivu može aplicirati samo jednim projektom.

Aplikanti projektni prijedlog dostavljaju putem protokola Gradske uprave i isključivo putem prijavnog obrasca.

Prijava treba sadržavati:

1. Projektni prijedlog
2. Pregled budžet/proračuna
3. Matrica logičkog okvira
4. Plan aktivnosti i promocije
5. Administrativni podaci o aplikantu,
6. Finansijska indentifikacijska forma,
7. Izjava o podobnosti,
8. Lista za provjeru,
9. Kopija važećeg rješenja o registraciji organizacije u BiH (za nosioca projekta/aplikanta i eventualne partnere na projektu)
10. Kopija statuta organizacije (aplikant i partneri)
11. Kopija završnog godišnjeg finansijskog izvještaja za prethodnu godinu koja je predata u zakonskom roku (posljednji dokument bilans stanja i bilans uspjeha) koji je ovjeren od strane nadležne agencije za finansijsko poslovanje i licenciranog i ovlaštenog knjigovođe
12. Kopija godišnjeg narativnog izvještaja organizacije za prethodnu godinu
13. Drugi dokumenti koji mogu biti relevantni
14. Aplikanti koji apliciraju za LOT 4 (Podsticaj mladima): uvjerenje o upisu u općinski/gradski Registar omladinskih organizacija i neformalnih grupa mladih. Aplikanti upisani u Registar omladinskih organizacija i neformalnih grupa mladih Grada Lukavac po Javnom pozivu za upis u Registar, nisu obavezni dostaviti uvjerenje, te će spisak iz Registra biti dostavljen Komisiji po službenoj dužnosti.
15. Izjava o prihvatanju korekcije traženih budžetskih sredstava ovjerena pečatom nevladine organizacije i potpisana od strane ovlaštenog lica za predstavljanje i zastupanje.

Svi dokumenti i kopije trebaju biti uvezani u cjelinu, numerisani (svi dokumenti), zatim ovjereni pečatom aplikanta i potpisani od strane lica ovlaštenog za predstavljanje i zastupanje na mjestima naznačenim za pečat i potpis. U slučaju da projekat bude odobren originali dokumenata mogu biti traženi na uvid.

Aplikant može tražiti ukupan iznos vrijednosti projekta ili dio nedostajućih sredstava, što je dužan naznačiti u zahtjevu.

Komisija može odobriti niži iznos finansijskih sredstava od traženog iznosa samo u slučaju ako je potpisana Izjava o prihvatanju korekcije traženih budžetskih sredstava.

Napomena: Sve zainteresirane organizacije civilnog društva detaljne informacije o uslovima za apliciranje i kriterijima za finansiranje projekata mogu pronaći u smjernicama za aplikante u okviru javnog poziva.

## V- KRITERIJI I NAČIN OCJENJIVANJA PROJEKATA

Opći kriteriji:

Opći kriteriji podrazumijevaju:

- Dostavljanje projekta u naznačenom roku
- Potpunu i validnu dokumentaciju
- Opravdan utrošak sredstava za ranije odobrene projekte
- Realizaciju aktivnosti na teritoriji grada Lukavac i u korist građana grada Lukavac

Napomena: Projekti koji ne ispunjavaju jedan ili više općih kriterija ne uzimaju se u razmatranje.

Posebni kriteriji:

Prilikom vrednovanja elemenata projekata naznačenih u kategorijama od a) do e), Komisija dodjeljuje bodove od 1 do 5 za svaki od kriterija pojedinačno. Konačna ocjena bodova predstavlja ukupan broj bodova svih članova Komisije u ovoj kategoriji kako slijedi:

a) Finansijski i operativni kapacitet:

- Iskustvo aplikanta i njegovih partnera u upravljanju projektima,
- Stručni kapaciteti aplikanta i njegovih partnera,
- Upravljački kapaciteti podnositelja prijedloga i partnera ( osoblje, oprema, sposobnost upravljanja budžetom)

b) Relevantnost:

- Relevantnost projekta u odnosu na cilj, da li projekat obuhvata jedan ili više prioriteta javnog poziva,
- Jasna definisanost i strateški odabir učesnika uključenih u projekat ( partneri u provođenju projekta, krajnji korisnici, ciljne grupe ),
- Definisanost potreba ciljnih grupa i krajnjih korisnika,
- Prijedlog projekta zagovara model politike baziran na pravima i ima uticaj na manje zastupljene grupe ili pojave u društvu ( promoviše ravnopravnost spolova i osnaživanje žena, zaštitu okoliša, međunacionalnu saradnju itd. )

c) Metodologija:

- Da li su predložene aktivnosti odgovarajuće, praktične i dosljedne ciljevima i očekivanim rezultatima,
- Održivost cijelog dizajna projekta ( da li odražava analizu uočenih problema, moguće vanjske faktore);
- Zadovoljavajući nivo uključenosti i angažiranja partnera u realizaciji projekta
- Da li projekt sadrži objektivno mjerljive indikatore rezultata aktivnosti? (je li ijedan od indikatora gender senzitivan ili gender indikator)

d) Održivost:

- Konkretni uticaj aktivnosti predviđenih projektom na ciljne grupe,
- Višestruki uticaj projekta (mogućnost primjene na druge ciljne grupe ili provedbu u drugim sredinama),
- Jesu li očekivani rezultati predloženih aktivnosti institucionalno održivi? (Hoće li strukture koje omogućuju da se aktivnosti nastave postojati na kraju projekta? Hoće li postojati lokalno "vlasništvo" nad rezultatima projekta?)
- Jesu li očekivani rezultati predloženih aktivnosti održivi? (ako je moguće, navesti kakav će biti strukturalni utjecaj provedenih aktivnosti – npr. hoće li doći do poboljšanja pravne regulative, metoda i pravila ponašanja itd.).
- Je li vjerojatno da će očekivani dugoročni rezultati imati utjecaja na lokalne gospodarske uvjete i/ili kvalitetu života u ciljnim područjima?

e) Budžet i racionalnost troškova

- Odnos između procijenjenih troškova i očekivanih rezultata,
  - Predloženi troškovi neophodni za implementaciju projekta.
  - Budžet: Je li budžet jasan i uključuje li i narativni dio? (omogućena opravdanost za tehničku opremu)
- Je li zadovoljeno načelo prema kojem administrativni i troškovi osoblja ne prelaze 20% ukupnih troškova? Je li budžet rodno osjetljiv? Gdje je primjenljivo, jesu li priložene biografije uposlenih i opisi radnih mjesta?

Samo projekti koji su dobili preko 50 bodova će biti razmatrani za finansiranje, jer projektni prijedlozi ispod ovog praga nisu bili u stanju zadovoljiti postavljene standarde te bi efikasnost njihove sprovedbe mogla biti upitna.

#### VI - UGOVORI SA APLIKANTIMA

Nakon donošenja Odluke o raspodjeli sredstava, Gradonačelnik sa odabranim korisnicima sredstava zaključuje Ugovor koji sadrži prava, obaveze i odgovornosti, način praćenja provođenja odobrenog projekta, način praćenja namjenskog trošenja sredstava, te elemente narativnog i finansijskog izvještavanja o provođenju projekta.

#### VII - PREUZIMANJE DOKUMENTACIJE:

Dokumentacija za prijavu na Javni poziv za Grad Lukavac se može preuzeti na web stranici Grada Lukavac (<https://opcina.lukavac.ba/>), ili lično preuzimanjem u šalter sali Grada Lukavac, Trg Slobode 1, 75300 Lukavac ili kancelariji br. 23.

Sve potrebne informacije i elektronska verzija cijelog paketa prijavnice dokumentacije može se naći na web stranici općine Lukavac (<https://opcina.lukavac.ba/>).

Pitanja u vezi sa javnim pozivom se mogu postaviti na broj telefona 035/366-737, ili lično u kancelariji br. 23.

#### VIII - PREDAJA APLIKACIJA:

Ispunjena aplikacija (sa kompletnom zahtijevanom dokumentacijom) se mora dostaviti u štampanoj i elektronskoj formi.

Prijave je potrebno dostaviti u zatvorenoj koverti u dva primjerka i elektronski na cd-u ili usb-u, preporučenom poštom ili lično tokom radnih dana (ponedjeljak – petak), na pisarnici Gradske uprave u periodu od 07:00 do 15:30 sati, na sljedeću adresu:

Grad Lukavac,  
Trg Slobode 1,  
75300 Lukavac,  
sa naznakom za Javni poziv OCD LOT br.\_\_\_\_

Rok za predaju aplikacija je 21 (dvadesetjedan) dan od dana objavljivanja na Oglasnoj ploči Grada Lukavac i web stranici Grada Lukavac. Aplikacije dostavljene nakon navedenog roka neće biti razmatrane.

Spoljašnja strana koverta mora sadržavati naziv poziva za predaju prijedloga projekata, puno ime i adresu aplikanta, puni naziv projekta i navod "Ne otvarati, prijava na javni poziv, LOT br.\_\_\_\_".

#### IX - REZULTATI ODABIRA PROJEKATA

Rezultati će biti objavljeni na web stranici Grada Lukavac (<https://opcina.lukavac.ba/>), kao i na oglasnoj ploči Grada Lukavac.

#### X - PODNOŠENJE IZVJEŠTAJA O UTROŠKU SREDSTAVA

Aplikanti kojima su dodijeljena sredstva dužni su dostaviti narativni i finansijski završni izvještaj, odnosno periodični izvještaj, što ovisi od dužine trajanja projekta, u roku od 30 dana od dana završetka projekta, a najkasnije do 31. decembra 2026. godine.

GRADONAČELNIK

\_\_\_\_\_  
dr. sc. Edin Delić

Dostaviti:

1. Gradonačelnik,
2. Web stranica Grada Lukavac,
3. Oglasna ploča (x2),
4. Evidencija
5. Arhiva